

**OKÉ TAKE AWAY**

**NOS SPECIAL  
JAN.8**

**746-3571**

**S**  **LO**


**BRIYANDO FUERTE • TRECIENDO CLARIDAD  
DIALUNA 8 JANUARY 2024**

*Di Pueblo*

**MINISTER MADURO  
DI CULTURA TA  
DESEA SMAC Y TUR  
CARNAVALISTA EXITO  
DEN CARNAVAL 70**



**WWW.SOLODIPUEBLO.COM**



**SOLODIPUEBLO@GMAIL.COM**

## **PROMER MINISTER WEVER CROES A HACI INICIO DI CARNAVAL 70**

Diasabra anochi, PARADA DI FLAMBEU DI CARNAVAL 70 a start den presencia di Su Excelencia Prome Minister Sra. Evelyn Wever Croes hunto cu Presidente di SMAC Sr. Darren van Ommeren. Ambos a hiba palabra cortico pa asina yama Carnaval 70 bon bini. Mesora despues a dal e fluit cu a marca e inicio.



**Gruponan y participante ta desgusta..  
TARDANSA DI PARADA  
FLAMBEU A WORDO OCACIONA  
PA CONTROL DI POLIS NA  
ULTIMO ORA**




**11 CHAUFFEUR DETENI PA  
MANEHA BAO INFLUENCIA DI  
ALCOHOL DESPUES DI FAKKEL**



**PARADA DI FLAMBEU CU  
8 DETENCION**



# 11 CHAUFFEUR DETENI PA MANEHA BAO INFLUENCIA DI ALCOHOL DESPUES DI FAKKEL



Departamento di Trafico y Unidad Motorisa a haci

control prome, durante y despues di Parada di Flambeau.

Departamento di Trafico a controla na comienso di e Parada di Flambeau y na unda a constata diferente vehiculonan cu no tabata tin nan documentonan na ordo como tambe un UTV.

Tambe e departamento Motorisa a bay controla na diferente partinan strategico durante parada. Total a detene 11 chauffeur



di cual 5 a perde nan rijbewijs. Controlanan lo continua durante e otro paradanan nos dilanti. Cuerpo Policial ta haci un apelacion un biaha mas pa no maneha auto bao influencia di alcohol.


## ACCIDENTE PA FALTA DI PREFERENCIA NA CRUSADA PROF. LORENTZSTRAAT/EMMASTRAAT



Diahuebs anochi a drenta informe di un accidente ma e crusada Prof. Lorentzstraat/ Emmastraat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Hyundai Getz no a duna preferencia na e Honda Fit y a bay dal den esaki.

Afortunadamente ningun hende a resulta herida.



Chicken cuts small  
Carni stoba  
Galiña stoba  
Porkchop-Chickenbreast-balchi  
pisca

Sopi di dia: Galiña  
\_MINIBOX\_  
Chicken cuts small



# PARADA DI FLAMBEU CU 8 DETENCION

Diasabra anochi pa exactamente 8or di anochi e parada di Flambeau a start sali for di dilanti ex-Kooyman na Avenida Milo Croes. Cuerpo Policial conhuntamente cu SMAC y Minister President su excelencia sra Eveline Wever-Croes a cende e flambeau pa asina hasi inicio di e parada. Cuerpo Policial a haci un control riba e vehiculonan cu a forma parti di e parada.

Aki a bin constata cu tabata tiin vehiculonan y cu no tabata tin e documentonan necesario. Tambe saca un UTV pa no tin documento na ordo. A para e parada

te ora a logra yega na un solucion.

Despues parada a sigui y pa 00:43 e cabez di e parada a yega ex -DOW. Pa 02:58 e final a yega . Por bisa cu e aña aki e detencion a baha. Total tabata tin detencion pa faya bo haya.

E detencionnan tabata pa buracheria, bringamento, posesion droga, posesion di arma blanco y insulta un polis. Tabata tin 2 detencion relaciona cu maltrato cu a wordo pasa pa departamento di recherche . Aña 2023 e parada di Flambeau a conta cu 19 detencion.



## Minister Endy Croes:

# A TRATA DIFERENTE PUNTO DI INTERES PA CU MEHORACION OPENBARE AVONDLLEERGANGEN ARUBA (OAA) Y ENSEÑANSA DEN SU TOTALIDAD

Dia 3 di januari ultimo, Minister Endy Croes areuni cu Sr. Carlos Martinus cu ta na cabes di Openbare Avondleergangen Aruba (OAA). Durante e reunion a trata diferente punto di interes pa cu mehoracion di OAA y e vision pa cu aña 2024. OAA oficialmente ta resorta bou di Dienst Publieke Scholen (DPS). Sr. Martinus a remarca cu e scol tin mester di zorg na OAA, unda cu a propone pa un SMW'er por duna asistencia di cuater (4) ora pasiman. Fuera di esaki, Sr. Martinus ta representando Ministerio di Enseñansa den e comision cu ta analisando SPO y den luna

di februari Minister Endy Croes lo ricibi un conseho riba esaki.

Actualmente, e comision ta analisando si SPO ta keda tres aña of SPO ta bira cinco aña di estudio. Den luna di februari proximo Minister Endy Croes lo ricibi e conseho final. Minister Endy Croes a indica cu tur cos ta muestra den e direccion cu SPO lo bay amplia en bes di tres aña pa cinco aña.

Asina cu tur cos bira cla y si esaki ta e conseho lo cuminsa cu un campaña di conscientisacion, lo acerca e mayornan y lo traha



un draaiboek. Ademá di esaki, Sr. Martinus a haci peticion pa cinco “entree opleiding” nobo pa OAA. Mester enfatisa cu OAA ta creciendo di 70 estudiante

pa casi 170 estudiante. Pa finalisa, Minister Endy Croes a expresa cu e tabata un bon reunion hopi amplio unda a trata diferente tema relaciona cu Enseñansa.

Alabes Minister Endy Croes ta desea Sr. Carlos Martinus hopi exito tanto cu OAA y e comisionnan cu e ta representa Ministerio di Enseñansa.

# MINISTER ENDY CROES A RICIBI BISHITA DI E ATLETA KENDREY MADURO

Recientemente, Minister Endy Croesa ricibi bishita di Sr. Bernard Maduro y su yiu homber Kendrey Maduro. Kendrey Maduro ta un hoben atleta di 19 aña di edad cu a studia na Ibero American High School y despues a continua cu su estudio na Merca. Kendrey ta un tremendo deportista cu un tremendo talento academico.

Kendrey a ricibi un beca na Nashville Florida y den 2024 e ta cabando su estudio. Na augustus 2024 el a wordo acepta na UCF cu un "scholarship" di 100%, unda el lo hunga pa UCF den Division 1, cu ta e

liga mas halto den College.

Alabes masha hopi scout ta sigui e pelotonan riba e nivel aki. Sr. Bernard Maduro a comparti cu Minister Endy Croes e historia con hopi nan a traha, pusha y sostene nan yiu homber den e proceso aki, pa asina un dia e por yega Major League Baseball. Kendrey a participa na diferente torneo y varios scout tin bista riba dje. Den nomber di Gobierno di Aruba, Minister Endy Croes a haci entrega di un medaya pa inspir'e y motiv'e aun mas di loke e ta caba, pa

asina e por continua studia bon y hunga baseball riba nivel. Minister Endy Croes a expresa di a keda hopi contento cu e combersacion ameno aki.

Mandatario di Enseñansa y Deporte a enfatisa cu su portanan ta semper habri pa duna aporte unda cu por duna pa asina yuda nos yiunan di tera pa por logra pasonan grandi den bida. Concluyendo, Minister Endy Croes ta desea Kendrey hopi exito den futuro tanto cu su estudio y carera deportivo. Cu deseo, disciplina, dedicacion y determinacion ta logra!



# JANUARY '24 Special

## RIBA COMPRA DI UN CAMA

### FULL • QUEEN • KING

### RICIBI GRATIS



### 1X 6PCS BAMBOO SHEET SET 100% ORGANIC

ONLY VALID WITH CASH & DEBIT CARD



TANTEN CU TIN DEN STOCK



Orario: dialuna pa diabierna 9 - 6pm - Schotland str. 46 tel. 280-6080  
• Warehouse Meiveld 3A-1 tel. 582-1671 •





THE 24TH  
EDITION  
OF THE

# URATAKA

RUN &  
WALK

**JANUARY 13, 2024**

**STARTING FROM 5:30PM  
AT URATAKA CENTER BEST PIZZA**

**REGISTER AT:**

[WWW.URATAKARUN.COM](http://WWW.URATAKARUN.COM)

**CASH PAYMENTS AT:**

**NATURE'S DISCOUNT STORES**

REGISTER FOR

AWG **20**

REGISTER WITH  
SPECIAL EDITION  
T-SHIRT FOR

AWG **35**

**FINISHER'S  
MEDAL**

**CHIP-TIMING &  
AGE GROUP  
AWARDS DOORPRIZES**

**WINNER'S  
MEDAL**



**CMB**

CARIBBEAN MERCANTILE BANK



PATRISHI SPORTS

# HOMBER MALTRATA NA BUSHIRIBANA



Diahuebs anochi pa 18:57 central di polis ta wordo informa di un caso na unda cu un persona lo mester a wordo maltrata pabao di Bushiribana. E persona maltrata lo ta den un di e trail cu ta wordo uza pa ciclistanan. Central ta despacha patruya di polis como tambe e helicopter

di polis pa asina cuminsa cu un busceda pa cu e persona.

Despues di un rato e helicopter di polis ta localisa e persona hende homber. Ta guia e patruya pa por yega na sitio na unda e persona ta. Patruya ta encontra cu e persona hende homber y ta transporta e


victima na alrura di Matividiri pa asina personal di ambulance por a dune tratamento medico y despues ta transporte pa hospital.

E prome informe ta cu segun e victima e lo a wordo maltrata pa 4 homber bisti full na preto y probablemente nan lo kier a cende na candela.

Recherche a bay na e sitio como tambe polis tecnico pa asina cuminsa cu e investigacion.

Cuerpo Policial ta haci un apelacion es cu sa algo of a wak algo yama e tiplijn di polis cu ta 11141. Bo anonimidad lo keda garantisa.

## OFICIAL DI E BRIGADA MOTORISA A BAY TRAS DI UN MOTOCICLISTA CORIENDO CU SCOOTER SIN PAPEL Y A CONFISCA ESAKI



Diabierna anochi durante patruya un oficial di e brigada motorisa a nota un motociclista coriendo scooter den un forma sospechoso ora ela mira e oficial y esaki a su tras y a par'e na Dakota pa un control. Durante e control a constata cu e motociclista no tabata tin ningun papel na ordo y a dun'e un boet y a confisca e scooter.



**Results of the Treasury Bills issuance  
by the Government of Aruba in the amount of  
Afl. 32,250,000.00 for the period  
January 5, 2024 – April 5, 2024**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 1 of December 19, 2023.

The Centrale Bank van Aruba hereby informs that the Treasury Bills issue of January 5, 2024 in the amount of Afl. 32,250,000.00 with a maturity of three (3) months has been fully subscribed. The average discount yield of this issue is 2.94 percent.

Aruba, January 8, 2024  
Centrale Bank van Aruba

Prome Minister Evelyn Wever-Croes:  
 Na inicio di Parada di Flambeau,  
**PROME MINISTER HUNTO CU PRESIDENT DI SMAC  
 TA CENDE MECHA DI CARNAVAL 70**

Diasabra 6 di januari anochi, Prome Minister Evelyn Wever-Croes hunto cu Presidente di SMAC, señor Darren van Ommeren, a cende e cecha di Carnaval 70 y asina duna inicio na e temporada di Carnaval pa aña 2024. Prome Minister a representa Minister di Cultura Xiomara Maduro kende a disculpa su mes pa motibo di kebrante di salud.

Aruba por a disfruta di e Parada di Flambeau sea

den parada, na banda di caminda of via television y medianan social. Prome Minister ta gradici SMAC, lidernan di gruponan, musiconan, y tur esnan cu ta engrandece e celebracion cultural di mas grandi di nos pais, nos Carnaval.

Carnaval, un temporada cortico, bunita y colorido, unda cu carnavalistanan ta muestra nan creatividad y amor pa nos cultura. Sinembargo, e temporada aki ta exige tambe pa cada ciudadano mantene na

reglanan di siguridad y sentido comun.

Prome Minister un biaha mas ta encurasha un y tur pa goza di e temporada bunita aki manera ta Aruba so por pero, pa tene cuenta cu otro, specialmente nos muchanan.

Siguridad di nos muchanan mester ta na prome luga. Mientras cu adultonan ta disfruta di e ambiente di musica y baile, semper keda cu bista riba e muchanan y asegura cu cada stap cu



nan dal, ta rondona di cuida. Preferibel ta pa nan no ta den oranan laat di anochi den e ambiente di Carnaval.

Den actividadnan di dia cu solo fuerte, mantene nan hidrata y laga nan come

bon y specialmente tambe, cuida nan oido cu earplugs. Feliz Carnaval 70. Ban crea di cada momento, recuerdonan bunita unda siguridad di un y tur ta prioridad pa cada un di nos. Pabien Aruba.



# JANUARY '24



# Special

## 10% CASH DISCOUNT RIBA TUR MATRAS












Check nos riba social media like y follow

**Orario: dialuna pa diabierna 9 - 6pm - Schotland str. 46 tel. 280-6080**  
**• Warehouse Meiveld 3A-1 tel. 582-1671 •**



**699-5511**



# MINISTER ENDY CROES A ELABORA RIBA E AVANCENAN CU A TUMA LUGA DEN DIENST PUBLIEKE SCHOLEN (DPS)

Recientemente, Minister Endy Croes a reuni cu Sr. Clay Shipley kende ta forma parti di e ekipo di maneho di Dienst Publieke Scholen (DPS). Durante e encuentro a trata diferente punto di interes, entre otro, e restructuracion di Openbare Avondleergangen Aruba (OAA) y e proyectonan cu DPS a realisa durante aña 2023.

Ta trata aki di e proyecto di ambtsjubileum, proyecto di “kindertoelage” caminda cu e docentenan tin derecho riba dje y e cambio di e contractnan pa “vaste dienst”. Tambe, a toca

diferente caso specifico cu tin mester di atencion di hurista. Un otro punto cu a bin dilanti ta e “kilometervergoeding” pa “beroepsscholen” pa ora cu e docentenan mester bay controla stage, esaki ta conta pa EPI, SPO y IPA. Banda di esaki, tin un “beleid” skirbi y Sr. Shipley tabata desea di ricibi informacion con leu e proceso aki ta.

Fuera di esaki, Sr. Shipley a informa Mandatario di Enseñansa cu a cuminsa inventarisa e necesidad di e docentenan di scol basico cu DPS tin mester den aña 2024 en



adelante. Pa conclui, Minister Endy Croes a expresa cu e tabata un bon reunion, hopi positivo unda

a inventarisa diferente proyecto y e plan concreto pa aña 2024.

# MINISTER MADURO DI CULTURA TA DESEA SMAC Y TUR CARNAVALISTA EXITO DEN CARNAVAL 70

E fin di siman aki e Parada di Flambeu ta duna inicio na e temporada di Carnaval 70 na Aruba. Un temporada na unda Aruba su carnavalistanan lo deleita nos cu nan fantasia, alegria y creatividad pa cual e Carnaval di Aruba ta conoci p'e. Hunto cu esaki e dushi musica di Carnaval di nos bandanan y musiconan local, lo trece e ambiente unico pa nos tur por traha bunita recuerdo di e exposicion cultural di mas grandi di nos Pais.

Hopi exito y danki na tur cu ta yuda engrandece Carnaval Minister Maduro di Cultura ta desea SMAC, tur grupo y participante hopi exito den e temporada di Carnaval 70 y ta desea pa tur hende por goza sanamente. E mandatario ta gradici tur esnan cu ta haci e celebracion grandi aki di nos Cultura posibel y ta manda un palabra di gratitud y forza specialmente na Cuerpo Policial, IMSAN, Ambulance, Serlimar,



DOW, DTI, Brandweer, cosedonan, estilistanan, voluntarionan y tur otro instancia y persona cu nan trabou y esfuerso ta yuda engrandece Carnaval di Aruba.

Ban celebra sin exceso Aruba su Carnaval ta e exposicion

Cultural mas grandi di nos Pais, un temporada di gozo pa Pueblo y tambe un temporada pa muestra nos bishitantenan con nos Pueblo ta celebra y biba nos cultura. Minister Maduro ta haci un apelacion pa nos comportacion civico sin exceso innecesario y cu

atencion special na nos muchanan y hobennan durante e celebracion cultural aki cu ta wordo biba tambe pa nos bishitantenan. Ban hunto biba nos cultura y laga un bunita recuerdo di e celebracion di Aruba su Carnaval 70.



# Gruponan y participante ta desgusta..

## TARDANSA DI PARADA FLAMBEU A WORDO OCACIONA PA CONTROL DI POLIS NA ULTIMO ORA



Diasabra anochi e parada di flambeau a conoce un atraso, ocasiona na control di polis y departamento di trafico, hunto cu Crisis Team.

Nan a haya e briyante idea di haci control na ultimo ora, cu tur consecuencia, cu a causa cu e parada mester a wordo para.

Cu miles di hende riba pia, e control di polis aki no tabata oportuno. Mientras mas tardansa un parada tin, e por nifica

mas consumo di alcohol. Pues pa 2 keuringskaart, bo ta habri porta pa mas cerbes of whiskey por wordo consumi dor di mirones y participante. Algo irresponsabel.

Solo di Pueblo ta pro tur control, pero hasi'e mas tempran. Controla un dia of dos dia promer y duna tur vehiculo un sticker.

E invento amatuer di bay controla 8or di anochi, no ta parece un accion di un hefe cu ta pensa corecto. E

mester a bay controla mas tempran of mas promer. Control ta bon! No tin duda! Y control ta corecto. Solamente bo no por tira

control na comienso di un show. Ta spera cu Minister di Husticia Rocco Tjon y minister encarga cu Crisis

Team cu parece te tata di e control aki, por pone reglan y evita e sopresanan aki di ultimo minuut.

*Ernesto Bermudez*  
- DENTAL SOLUTIONS -

DENTAL SOLUTIONS ARUBA

*Craft Your*  
**Unique Smile**  
**PERFECT DESIGNS**  
**AWAIT**  
*Boost your*  
*confidence now*

*Public Figure:*  
**Gil Croes**

**FREE CONSULTATION**

+297 585 3255  
+297 592 9398

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
☎ 585-9500

# Entrada judicial cu detencion na Sabana Basora Noord



Diabierna atardi varios polis di diferente departamento a presenta na un adres na Sabana Basora

Noord pa un entrada oficial na un adres y a detene un sospechoso.


Nos a busca informacion via tur canal pero nos ta asumi cu lo ta esnan cu ta hortando autonan Kia re-



cientemente. Informacion for di canalnan oficial no ta accesible te ainda, nos ta

spera cu apenas cu esaki ta disponible por haya esaki.

## Boroto di klap a spanta pitbull y ela core sconde den Hooiberg Supermarket, polis mester a bay sak'e!



Diahuebs anochi a drenta informe di cu boroto di klap a spanta un cacho pitbull na Hooiberg y a pon'e bay sconde den Hooiberg Supermarket y ningun hende por a sak'e, mesora


a dirigi un patruya na e sitio. Cu tactica cu cuminda polis a logra saka e pitbull aki y a logra hink'e den e patruya pa hib'e warda di polis pa su doño pasa busk'e na warda.

Pastoral Hubenil Noord

# Pastoral Hubenil Noord ta felicita Kimberly Croes



Durante 2023, Pastoral Hubenil Noord (PHN) a tene varios actividad, e.o. tayer, presentacion, charla, reunion, motiva hobennan pa asisti na seminario, etc y e hoben cu a sobresali mas cu su presencia na tur e eventonan menciona ta Kimberly Croes. P'esey diasabra 6 di januari 2024, despues di reunion, e grupo a bay celebra Año Nobo y Dia di Tres Rey cu un lunch na Wendy's TL. Aki directiva di PHN a honra Kimberly cu un 'Certificate of Appreciation' cu su regalo concerni. Parokia Sta. Anna y PHN ta felicita e hoben ehemplar aki pa su dedicacion y logro. Masha pabien, Kim!



## Obituario



Publica serka nos anuncio di fayecimento di bo ser keri.  
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera  
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na  
585-9500 of na 741-4554

## ORACION DI DIA



Un dia yena di bendicion, amor, goso y paz di Señor.  
Un poco tempo despues Maria a sali pura, bay bishita un cierto pueblo, den e seronan di Huda. (Lucas 1,39)

Aki nos ta mira e encuentro entre dos mama cu kier apoya y yuda otro, den un temporada di cambianan grandi den nan bida. Ambos ta duna otro man den amor y alegria y ta encanta nan mes riba trabao di Dios den nan bida. No ta existi algo asina manera un amor spiritual puro. Amor berdadero ta encera henter e persona-su alma, su mente y su curpa.

Maria yena cu Spirito, pronto lo desemboca den un cantica cu nos ta yama Magnificat. Maria a trece Dios pa Elizabeth den su curason y den su scochi. Nos ta hiba Dios na tur hende cu nos ta topa y tur hende cu nos topa ta trece Dios pa nos. Maria a ser yama pa trece salvacion pa mundo.


Su prome pensamiento tawata pa bishita su prima mas bieu, cu tawata tin necesidad. Lo tin un persona cu lo tin mester di mi awe?

Nacemento, Dios Su regalo di e bida, fertilidad tawata semper santo pa e pueblo di Israel, y e mamanan tawatin un luga special na mundo a traves di e historia santo- como portado di e bida.

Maria y Elisabeth ta surpasa otro den gradicimento.


Oracion : Señor, laga mi reconece cada dia esun cu lo tin mester di nos ayudo. Amen

# Chauffeur coriendo malo, a resulta di tawata burachi



Avenida Nelson O. Oduber - Diasabra marduga durante controlnan di trafico na Polis, nan a bay controla un Nissan Versa cu plachi number V.

A resulta cu e chauffeur no tawata apto pa ta tras di stuur y pa siguridad a bay over na detene y pidi transportwagen.



Cuerpo Policial cu su trabou preventivo lo a capta algo di e vehiculo aki y a dun'e stopteken.

Na warda e lo wordo atendi door di un Sub Fiscal y haya un multa.

## Dama supuestamente a wordo maltrata den auto patras di Cas di Cultur

Stadionweg - Diadomingo marduga polis a bay tira bista ariba un supuesto muhe maltrata den un Suzuki Liana.


E caso lo a tuma luga patras di Cas di Cultura.

Polis berdad a haya e vehiculo, y a ripara cu a auto tin daño pero e supuesto dama mes no a ser haya. E porta di pasahero tawata habri, y a logra tira bista den e auto y parse a mira algo di sanger.

Debi cu niun hende a acerca nan y tampoco e supuesto persona maltra-



ta nan a bandona e sitio lagando e auto atras.



### PRONOSTICO DI TEMPO

VALIDO TE DIALUNA 08 DI JANUARI 2024, 18:00 ORA

TEMPO:  
AWE TARDI Y AWE NOCHI: PARCIALMENTE NUBLA Y GENERALMENTE SECO

DEN MARDUGA Y MAYAN: PARCIALMENTE NUBLA CU UN AWACERO PASAJERO

POTENCIAL DI AWACERO PA PROXIMO 24 ORA:

1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN AWACERO BREVE.

BIENTO LO TA FOR DI DIRECCION OOST Y MODERA;

BASTA FUERTE DEN RAFAGA;

TEMPERATURA (GRADO CELSIUS) MAX / MIN LO TA: 31 / 27

# Polis a haya 3 hoben menor di edad ta trip den un auto sin number y sin papel na ordo



Diabierna anochi a drenta informe di cu tin algun mucha menor di edad cu un auto Chevrolet Optra blanco sin number ta trip den Santa Cruz un rato despues e auto aki a ser señala den fila di un drive-thru den cercania. Polis a bay para strategicamente na salida y a para e auto pa un control. Den e auto a haya 3 hoben menor di edad di cual a tuma nan number y a detene e chauffeur como esun responsable. E auto tabata sin num-

ber y cu faltando un lus y no tabata tin ningun papel na ordo. Den e auto patras a haya un plachi number bieuw cual tampoco tabata cuadra cu e auto. Den e auto a haya atributonnan pa usa droga y a confisca e auto y e atributonnan. Takelwagen a presenta pa hiba e auto na warda di polis. Mientras a yama e mayornan di e mucha pa papia cu nan y mustranan den kiko nan yiu ta hinca aden. E otro 2 muchanan a keda na pia.

## Dos menor lo ta autornan di atraco arma ariba famia turista



<p>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 07 Jan 2024 Merdia</p>	
<p>Sorteo # 4145 <b>2285</b> <b>2951</b> <b>1518</b></p>	<p>Sorteo # Joker Letter 0 x Jackpot 0 x Match 4+ 0 x match 4 0 x Afl. 12,00 <b>260.000,-</b></p>
<p>X2</p>	<p>Sorteo # 6351 0 x Jackpot 1 x Match 4 103 x Afl. 8,00 <b>04-14-18-20-28</b> <b>59.000,-</b></p>
<p>Sorteo # 4145 <b>1388</b></p>	<p>Sorteo # Mega Ball: 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 <b>350.000,-</b></p>
<p>Sorteo # 2201 <b>6126</b></p>	<p><b>Afl. 450.000,-</b></p>
<p>Sorteo # 4145 <b>9431</b> <b>Aries</b></p>	<p>Sorteo #</p>
<p>Sorteo # 1019 <b>160</b></p>	
<p>X2</p>	

Oranjestad - Diasabra anochi pasa di 11'or polis y atraco team a bay Citgo Caya Grandi, unda algun turista a yega y ta bisa cu nan a wordo atraca.

Na yegada di polis nan a wordo splica cu e atracador/nan a usa un cuchiu durante

e atraco y a bay cu nan celular.

Despues cu e team di atraco y tambe slachtofferhulp a papia cu e turistanan y autoridad a haya a tur informacion, a bin detene dos hoben menor di edad relaciona cu e caso aki.

Parlamentario Alvin Molina:

# Mi ta boga pa un compensacion husto pa mi coleganan den Cuerpo Policial Aruba



Durante tratamento di Presupuesto 2024 di Pais Aruba, mi a presenta un mocion na unda mi ta urgi Minister di Husticia pa e ‘herziening van het beloningsbeleid’ pa e ambtenaarnan di Cuerpo Policial Aruba. E mocion ta trata e ‘continuïteitstoelage’, ‘piketvergoeding’ y ‘overuren’ pa e agentenan policial den tur rango y a wordo aproba unanimamente door di Parlamento di Aruba. Pa hopi aña caba agen-

tenan policial ta ricibi 60 florin pa luna pa traha ‘nachtdienst’. E ‘nachtdienst’ ta un peso grandi riba salud, famia y bida social di e agente policial. E ley cu ta dicta esaki ta anticua. Kizas 40 aña pasa 60 florin tabata un compensacion husto, awendia sigur esey no ta e caso. Tambe, e ley ta exclui hefenan den Cuerpo Policial Aruba di ricibi un compensacion, mientras den hopi ocasion nan ta eherce e mesun trabou cu

nan coleganan. Esey tambe ta un cambio grandi compara cu e tempo cu e ley a wordo traha, e tempo ey e hefenan di polis tabata traha solamente ‘dagdienst’, dialuna pa diabierna. Salvaguardia siguridad di Aruba sa exige hopi di polis di tur rango. Pa mi mes dia mi bay bek den Cuerpo Poli-

cial Aruba, mi no lo pidi pago pa mi overtime, tampoco pa mi ‘piket’ of ‘avond dienst’, simplemente paso mi tin e custumber caba di 20 aña ta eherce e trabou aki, sin haya un compensacion y honestamente ami ta prefera mi tempo liber. Mi ta kere si cu e ta un topico hopi importante pa

tur colega den KPA, mirando cu tin mas di 20 vacatura den “management” cu e agentenan policial lo mester ocupa y nos mester duna nan un incentivo y loke nan merece pa nan tuma e responsabilidad y encargo pa lidera nos Cuerpo Policial Aruba.

A bay laga nos recordando Dios

*Amada Venerias Lopez-Albertsz*  
\*13-09-1941 - \*04-01-2024

Oportunidad pa condolencia y despedida lo tuma lugar dialuna 8 di januari 2024 na Royal Funeral Home di 07:00 pa 09:00 di anochi.

Cremacion lo tuma lugar den seno di famia.

**BO SANGER  
TA SALBA BIDA!**

☎ 587 0002

f StichtingBloedbankAruba

Registra pa bira donante na [www.bloedbankaruba.aw](http://www.bloedbankaruba.aw)

Señor ta mi wardador, mi'n tin falta di nada  
Den cunucu di yerba berde e ta pone mi sosega  
E ta hibami na awa trankil pa mi bolbe haya forsa  
Salmo 23

Cu inmenso tristeza na nos curason, pero conforme cu boluntad di Dios, nos ta anuncia fayecimento di:

## Bernadette "Deta" Kelly,

cariñosamente yama Eta

\*28 januari 1961 - + 28 december 2023



Na number di su

Tata: + Pedro Kelly

Mama: + Constancia Kelly-Croes

Ruman: + Olga Kelly

Tanta y Omonan:

+ Ana Maria Boekhoudt-Croes y famia

+ Paulus Croes y famia

+ Francisco Croes y famia

+ Elizabeth Feliciano-Croes y famia

+ Geronimo "Chomon" Croes y Maria Croes-Ras

+ Porfilio "Pief" Croes y Margarita Croes

+ Tida Boekhoudt-Kelly y famia

+ Jacobo Kelly y famia

Vda Catrien Dreischor-Kelly y famia

+ Emma Kelly y famia

+ Frans Kelly y Maria Kelly-Croes

Elio Kelly y famia

? Thomas Kelly y Nina Kelly-Feliciano y famia

Tanta grandi:

Tina Croes Kelly

Amigonan di cas, primo y primanan, ihanan, ex-coleganan di Sociale Zaken

Demas famia: Kelly, Croes, Boekhoudt, Dreischor, Navas, Feliciano, Ras, Thijzen, Arends, Alzate, Alfaro Luna, Koolman, Werleman, Figaroa, Dubero, Fingal, Tromp, Nicolaas, Gomez, Wernet, Barrera, Van Aardenne, Jansen, Reyes, Lopez, De Mey, Buckley, Rasmijn, Jakobus


Oportunidad pa condolencia lo ta dialuna 8 di januari 2024 di 7'or pa 9'or di anochi na Olive Tree Funeral Care & Crematory, Piedra Plat 27Z.

Acto di despedida lo tuma lugar diamars 9 di januari 2024 di 9'or pa 11'or di mainta na Olive Tree Funeral Care & Crematory, Piedra Plat 27Z. Despues lo sigui e acto di cremacion.


Ta deseo di nos defunto pa asisti cu traje alegre.

Dispensa nos si pa un motibo of otro den nos tristeza nos por a lubida un persona of famia.

# Team especial di polis a detene sospechoso principal di un caso den pleno investigacion na Primavera



Diasabra mainta nos tabata presente durante un detencion di un prominente




sospechoso di un caso pero e team investigativo basta grandi den proceso. Nos a busca pa haya informacion di e detencion aki pero e team investigativo no kier a los ningun informe. Pero ata aki e imagenan di e detencion aki.

## Conosido di polis ta presenta na negoshi di bais y ora ela sali ta reclama cu nan a horta su tas cora



Diahuebs atardi a drenta informe di cu un persona conosi di polis ta yega na un negoshi di bais y ora ela sali e ta reclama cu nan lo a horta su tas cora pero riba e camaranan di seguridad nan a mira cu esey no ta e caso y na su salida ta reclama esaki. En cambio e sospechoso a presenta cu un bicicleta cu e no por a comproba cu ta di dje y no kier of por a comproba cu ta di dje. Polis mesora a confisca e bicicleta aki pa su doño bin reclam'e



5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4